

«Эл-юрт умиди» жамғармаси 42 нафар стипендия ғолибларининг Буюк Британиянинг Норвич тил ўқитиш институти (NILE) да малака ошириш таассуротлари

Ўзбекистон Республикаси Вазирлар Маҳкамаси ҳузуридаги «Эл-юрт умиди» жамғармасининг олий таълим тизими учун эълон қилинган 2019 йилги стипендия ғолибларидан 42 нафари 2019 йилнинг 30 июль куни Буюк Британиянинг Норвич тил ўқитиш институтига малака ошириш мақсадида жўнаб кетишди. Ушбу малака оширишнинг асосий мақсади олий маълумотли мутахассисларни тайёрлаш сифатини ошириш, юқори малакали рақобатбардош кадрларни тайёрлаш ҳамда хорижий таълим тажрибасини миллий таълим контекстида қўллашдан иборат эди.



Барча стипендия ғолиблари жорий йилнинг 31 июль куни Лондоннинг Ҳитроу аэропортида институт вакиллари томонидан илиқ кутиб олинди ва уларнинг барчаси Норвич шаҳрида жойлашган Ист Англия университети (University of East Anglia) ётоқхонасига жойлаштирилди.

2019 йилнинг 1 август куни барча стипендия ғолибларига Норвич Тил ўқитиш институти ҳаёти яқиндан таништирилди ва уларга институтда риоя қилиниши керак бўлган барча қоидалар тушунтирилди. Шунингдек, ўқитувчилар фойдаланиш мумкин бўлган кутубхона, компьютер ва бошқа техника воситалари жойлашган хоналар, хордиқ чиқариш зоналари ҳамда овқатланиш учун мўлжалланган жойлар ҳақида батафсил маълумотга эга бўлишди.

Биринчи куннинг иккинчи ярмида барча ўқитувчиларга олий тоифали мутахассис Род Болайто томонидан «Ўқитувчиларнинг касбий маҳоратини ошириш» мавзусида машғулот ташкил қилинди. Машғулот жараёнида ўқитувчи томонидан касбий маҳорат, унинг ўзига хос хусусиятлари ҳамда касбий маҳоратни ривожлантириш йўллари ҳақида батафсил маълумот берилди. Куннинг охирида барча иштирокчилар бир-бирлари ҳамда институт ўқитувчилари билан яқиндан танишиш мақсадида кечки учрашувга таклиф қилинди. Шундан сўнг барча ўқитувчилар ўзлари бириктирилган оилаларга

Рахимова Нодира

жойлаштирилди. Стипендия ғолибларининг инглиз оилаларига жойлаштиришдан асосий мақсад – давлат ва миллатнинг маданияти, тили, тарихи, урф-одатлари билан яқиндан танишиш ҳамда маданиятлараро ўзаро ҳамкорликни ривожлантиришдан иборат эди.



2019 йилнинг 31 июлдан 27 августга қадар Норвич тил ўқитиш институтида барча стипендия ғолибларига институтнинг олий малакали мутахассис ўқитувчилари томонидан қуйидаги модуллар асосида 4 ҳафталик интенсив курс ташкил қилинди: инглиз тилини академ мақсадлар учун ўқитиш (EAP) баҳолаш (Testing and assessment), ўқитувчиларнинг касбий маҳоратини ошириш (Teaching teachers) ҳамда тил ўргатувчи синфларда контентнинг аҳамияти (Content in the language classroom) ва х.к.

Малака ошириш давомида ўқитишнинг замонавий шакллари ва методлари, илғор педагогик технологиялардан фойдаланиш, баҳолаш, компьютер ва ахборот-коммуникация технологияларини таълим жараёнига жорий этиш каби долзарб масалалар қамраб олинди. Тренинг жараёнидаги барча топшириқ ва вазифалар чет тили ўқитувчиларини ҳамкорликда ишлашга, уларнинг чет тилида нутқини янада ривожлантиришга ҳамда ўқитувчиларнинг таълим жараёнида буларнинг барчасини мустақил ҳолда қўллай оладиган қилиб тайёрлаб берилган эди.



Рахимова Нодира



Институтда таълим олиш жараёнида барча ўқитувчиларнинг бўш вақтини мазмунли ташкил этиш, уларни миллий контекст билан яқиндан таништириш мақсадида дарсдан ташқари турли тадбирлар, учрашув ва маърузалар ҳам ташкил этилди. Ушбу тадбирлар давомида ўқитувчилар бир неча лекторлар билан учрашишди ҳамда учрашув ва суҳбатлар давомида улар «Ўқитувчилик маҳоратини ошириш», «Интернационализм» каби мавзуларда фикр-мулоҳаза юритишди.

Бундан ташқари стипендия ғолиблари "Open microphone day" тадбирида ҳам бошқа миллат вакиллари билан биргаликда ўз чиқишларини намоён қилишди. Тадбир давомида ўзбек гуруҳи ўзларининг тайёрлаган миллий маданиятимизга, урф-одатларимизга бағишланган чиқишлари билан қатнашишди.



Тренинг якунида институтнинг ўқув ишлари бўйича координатори Тони Принс томонидан барча ўқитувчиларга мини лойиҳа тайёрлаш вазифаси топширилди. Ушбу лойиҳанинг асосий мақсади карбон диоксиднинг инсоният ҳаётидаги таъсири, ролини ёритишдан иборат эди. Лойиҳани тайёрлаш жараёнида ўқитувчилар маҳаллий аҳоли билан мавзуга оид сўровнома ва интервью ташкил этишди ҳамда олинган барча статистик маълумотларни бошқа ўқитувчилар олдида тақдим этишди. Тони Принс барча ўқитувчиларни тинглаб, тақдимотлар бўйича ўзининг фикр-мулоҳазаларини баён этди.

Тренинг охирида барча ўқитувчиларга ўзларининг келажакда амалга оширишмоқчи бўлган фаолиятлари ҳамда режалари ҳақида йўл харитасини тузиш ва тақдим этиш вазифаси топширилди.

Рахимова Нодира



Ушбу малака ошириш жараёнида барча стипендия ғолиблари ўз касбий билим ва кўникмаларини янгиладилар ва чуқурлаштирдилар. Олинган билим ва кўникмалар замон талабларига жавоб бера оладиган даражада таъминланди. Тренинг давомида ўқитувчилар ўз мутахассислиги бўйича сўнгги фан ютуқлари, янгиликлари билан танишдилар, уларни ўзлаштириш, янги амалий иш усуллари, илғор иш тажрибаларини ўрганишди. Олий таълим муассасаларининг ўқитувчилари халқаро тажриба алмашинуви натижасида ўзларининг илмий ва педагогик салоҳиятларини оширишди.

Нодира Рахимова
NILE институтида малака оширган стипендиат